



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏՆՏԵՍԱԿԱՆ ԶԱՐԳԱՑՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐ

Հ Ր Ա Մ Ա Ն

ք.Երևան

16» 08 2018թ. № 071-Ղ

«ՍՏԱՆԴԱՐՏՆԵՐԻ ԱԶԳԱՅԻՆ ԻՆՍՏԻՏՈՒՏ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ԼԱԲՈՐԱՏՈՐ ՓՈՐՁԱՐԿՄԱՆ ԿԵՆՏՐՈՆԻ ՆԱՎԹԱՄԹԵՐՔԻ ԵՎ ՖԻԶԻԿԱՔԻՄԻԱԿԱՆ
ՓՈՐՁԱՐԿՄԱՆ ԼԱԲՈՐԱՏՈՐԻԱՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՎ ԵՎՐԱՍԻԱԿԱՆ
ՏՆՏԵՍԱԿԱՆ ՄԻՈՒԹՅԱՆ (ԵԱՏՄ) ՏԵԽՆԻԿԱԿԱՆ ԿԱՆՈՆԱԿԱՐԳԵՐՈՎ ՍԱՀՄԱՆՎԱԾ
ԱՐՏԱԴՐԱՆՔԻ (ՕԲՅԵԿՏԻ) ԵՎ ՑՈՒՑԱՆԻՇՆԵՐԻ ՀԱՄԱՊԱՏԱՍԽԱՆՈՒԹՅԱՆ
ԳՆԱՀԱՏՄԱՆ ԳՈՐԾՈՒՆԵՐՈՒԹՅՈՒՆ ԻՐԱԿԱՆԱՑՆՈՂ ՄԱՐՄԻՆ ՆՇԱՆԱԿԵԼՈՒ ՄԱՍԻՆ

Հիմք ընդունելով «Տեխնիկական կանոնակարգման մասին» Հայաստանի
Հանրապետության օրենքի 9-րդ հոդվածի 1-ին մասի 7-րդ կետը, 20-րդ հոդվածի 2-րդ
մասը և Հայաստանի Հանրապետության կառավարության 2013 թվականի հունիսի 13-ի N
623-Ն որոշման 1-ին կետով հաստատված հավելվածի 24-րդ կետը.

ՀՐԱՄԱՅՈՒՄ ԵՄ՝


1. «Ստանդարտների ազգային ինստիտուտ» փակ բաժնետիրական ընկերության
Լաբորատոր փորձարկման կենտրոնի նավթամթերքի և ֆիզիկաքիմիական փորձարկման
լաբորատորիան նշանակել սույն հրամանի հավելվածում նշված Հայաստանի
Հանրապետության և Եվրասիական տնտեսական միության տեխնիկական կանոնակարգերով
սահմանված արտադրանքի (օբյեկտի) և ցուցանիշների համապատասխանության
գնահատման գործունեություն իրականացնող մարմին՝ համաձայն հավատարմագրման

վկայագրի (հավատարմագրման գրանցահամար՝ N 020/T-054) № 1/1-A և № 1-B Հավելվածներով սահմանված հավատարմագրման ոլորտներում ընդգրկված և տեխնիկական կանոնակարգման օբյեկտ հանդիսացող արտադրանքի՝ արտաքին տնտեսական գործունեության միասնական ապրանքային անվանացանկի ծածկագրերի, ցուցանիշների և համապատասխան տեխնիկական կանոնակարգով սահմանված փորձարկման (այդ թվում՝ նմուշառման) մեթոդը սահմանող փաստաթղթերի նշագրերի:

1. «Ստանդարտների ազգային ինստիտուտ» փակ բաժնետիրական ընկերության Լաբորատոր փորձարկման կենտրոնի նավթամթերքի և ֆիզիկաքիմիական փորձարկման լաբորատորիան նշանակել մինչև 2020 թվականի հոկտեմբերի 31-ը, տրամադրել համապատասխանության գնահատման մարմնի նշանակման վկայական՝ Ն-26 և շնորհել նույնականացնող համար Ն-26(H-26)2018:

2. «Ստանդարտների ազգային ինստիտուտ» փակ բաժնետիրական ընկերության Լաբորատոր փորձարկման կենտրոնի նավթամթերքի և ֆիզիկաքիմիական փորձարկման լաբորատորիան գրանցել Հայաստանի Հանրապետության էկոնոմիկայի նախարարի 2013 թվականի սեպտեմբերի 3-ի N 801-Ա հրամանով հաստատված համապատասխանության գնահատման նշանակված մարմինների գրանցամատյանում:

3. Սույն հրամանի կատարման հսկողությունը վերապահել Հայաստանի Հանրապետության տնտեսական զարգացման և ներդրումների նախարարի տեղակալ Ա. Բաբայանին:



ԱՐՇՎԻԿ ՄԻՆԱՍՅԱՆ

Հավելված

ՀՀ տնտեսական զարգացման և
ներդրումների նախարարի 2018թ.
----- ի N ---Ա հրամանի

ՑԱՆԿ

ՀՀ տեխնիկական կանոնակարգեր

1. ՀՀ կառավարության 2004 թվականի դեկտեմբերի 16-ի «Մակերևութաակտիվ միջոցների և մակերևութաակտիվ նյութեր պարունակող լվացող և մաքրող միջոցների տեխնիկական կանոնակարգը հաստատելու մասին» թիվ 1795-Ն որոշում - միայն ԵԱՏՄ արտաքին տնտեսական գործունեության ապրանքային անվանացանկի «3402» ծածկագրի ներքո ներառված և ԵԱՏՄ տեխնիկական կանոնակարգման օբյեկտ չհանդիսացող արտադրանք:

2. ՀՀ կառավարության 2004 թվականի նոյեմբերի 18-ի «Սինթետիկ հիմքով լաքերի և ներկերի տեխնիկական կանոնակարգը հաստատելու մասին» № 1647-Ն որոշում - միայն արտաքին տնտեսական գործունեության միասնական ապրանքային անվանացանկի «3208» և «3209» ծածկագրերի ներքո ներառված և ԵԱՏՄ տեխնիկական կանոնակարգման օբյեկտ չհանդիսացող արտադրանք:

ԵԱՏՄ տեխնիկական կանոնակարգեր

1. «Ավտոմոբիլային և ավիացիոն բենզինին, դիզելային և նավերի համար նախատեսված վառելիքին, ռեակտիվ շարժիչների համար նախատեսված վառելիքին և մազութին ներկայացվող պահանջների մասին» (ՄՄ ՏԿ 013/2011) ԵԱՏՄ տեխնիկական կանոնակարգ

2. «Քսանյութերին, յուղերին և հատուկ հեղուկներին ներկայացվող պահանջների մասին» (ՄՄ ՏԿ 030/2012) ԵԱՏՄ տեխնիկական կանոնակարգ

3. «Որպես վառելիք օգտագործելու համար նախատեսված հեղուկացված ածխաջրածնային գազերին ներկայացվող պահանջներ» (ՄՄ ՏԿ 036/2016) ԵԱՏՄ տեխնիկական կանոնակարգ